

資治通鑑考異

一
函
十
五
冊
函

資治通鑑考異卷第二十二

端殿學士兼翰林侍讀學士中大夫提舉西京嵩崇福宮桂國河內郡開國公食邑三千戶食實封三百戶司馬光奉

勅編集

長沙胡元常彝甫審校

唐紀十四

會昌三年正月劉沔遣麟州刺史石雄襲可汗

舊同鶻傳云豐州刺史石雄後唐獻祖紀年錄云石州刺史石

雄按是時田牟爲豐州刺史今從實錄

石雄大破同鶻迎太和公主以歸

舊石雄傳曰二

胡本三

年同鶻大略雲朔劉沔以太原之師屯

於雲州沔謂雄曰國家以公主之故不欲急攻

攻原誤功

我輩捍邊

但能除患專之可也雄受教自選勁騎得沙陀部落兼契苾拓

拔雜虜夜發馬邑徑趨烏介之牙時虜帳逼振武雄旣入城登堞視其眾寡見羶車數十云云遂迎公主還太原回鶻傳烏介去幽州八十里下營是夜河東劉沔帥兵奄至烏介驚走東北依和解室韋下營不及將太和公主同走石雄兵遇公主帳因迎歸國後唐獻祖紀年錄曰沔表帝爲前鋒回鶻可汗樹牙於殺胡山帝與石雄銜枚夜進圍其牙帳烏介可汗輕騎而遁帝於牙帳謁見太和公主奉而歸國按一品集會昌二年十月十七日狀訪聞劉沔頗練邊事唯臨機決策不免遲疑深恐過爲慎重漸失事機望賜劉沔詔北緣回鶻未爲侵擾且務綏懷今旣殺戮邊人驅劫牛馬頗已有詔速令驅除自度便宜臨機應變不得過懷疑慮皆待朝廷指揮旣假以使名令爲諸軍節制邊境之事皆以責成向後或要移營進軍一切自取機便不必

皆候進止實錄戊寅詔劉沔云云如前據德裕此狀則沔豈敢
不俟詔旨擅遣石雄襲擊可汗身帳況已有不須聞奏之詔也
舊德裕傳德裕曰杞頭烽北便是砂磧彼中野戰須用騎兵若
以步卒敵之理難必勝今烏介所恃者公主如令勇將出騎奪
得公主虜自敗矣上然之卽令德裕草制處分伐叛記曰上問
討襲之計德裕奏若以步兵與回鶻野戰必無勝理回鶻常質
公主同行臣思得一計料回鶻必未知有所營石雄驍勇無敵
若令揀蕃渾及漢兵銳卒銜枚夜進必取得公主兼可汗可擒
上從之遂令石雄領蕃渾及漢兵夜進回鶻果無遊奕伏道直
至帳幕方覺遂取得公主唯可汗輕騎而遁按德裕尋自請駐
斫營事而石雄於城上見公主身帳迎得之非因德裕之策今
不取

烏介可汗走保黑車子族

舊同鵲傳云烏介驚走東

東原誤梁

北約四百里外依和解室韋下

營嫁妹與室韋依附之今從伐叛記實錄新傳舊張仲武傳又云烏介既敗乃依康居求活盡徙餘種寄託黑車子蓋以李德裕紀聖功碑云烏介并丁令以圖安依康居而求活盡徙餘種屈意黑車彼所謂康居用郅支故事耳致此誤也

二月李德裕等言求安西北庭非計

德裕傳曰三年二月趙蕃奏黠戛斯攻安西北庭都護府宜出師影援德裕奏辭與此同獻替記曰三年二月十一日延英德裕奏九日奉宣令臣等向趙蕃說於黠戛斯處邀求安西北庭深恐不可其下辭亦與此同按實錄辛未注吾合索始至命趙蕃飲勞之丙子中書門下奏九日奉宣其辭亦與獻替記同不

知宋據何書得此辛未及丙子日也今且沒其日繫於注吾合
索人對之下以傳疑

四月劉從諫從子匡周

實錄作莊周今從一品集

李德裕請討澤潞

按舊紀傳及實錄所載德裕之語皆出於伐叛記伐叛記繫於
四月劉從諫始亡之時至此君相誅討之意已決百官集議及
宰臣再議皆備禮耳德裕之言當在事初實錄置此誤也

解朝政至上黨

實錄云時從諫死二十日矣按姜垎等云自四月六日後不見
本使而辛巳爲從諫輟朝自六日至辛巳纔十八日耳實錄自
相違今不取

五月以李宗閔爲湖州刺史

獻替記曰四月十九日上言東都李宗閔我聞比與從諫交通
今澤潞事如何可別與一官不要令在東都德裕曰臣等續商
量上又云不可與方鎮只與一遠郡德裕又奏云須與一郡此
蓋德裕自以宿憾因劉稹事害宗閔畏人譏議故於獻替記載
此語以隱其跡耳今從實錄

宰相欲且遣使諭劉稹上卽命討之

獻替記曰五月十一日德裕疾病先請假在宅李相紳其日亦
請假李相讓夷獨對上便決攻討之意李相歸中書後錄聖意
四紙令德裕草制至薄晚封進明日遂降麻處分舊本紀九月

胡本無此二字

下制討稹今從實錄

崔鉉同平章事

實錄李讓夷引鉉爲相今從補國史

胡本補國史三字作實錄二字

九月以石雄代李彥佐

實錄召彥佐入奉朝請俟罷兵日赴鎮按彥佐前已罷武寧今又罷晉絳復赴何鎮實錄誤也

十月庚申上稱石雄良將

獻替伐叛記皆云十月五日上言石雄破賊而實錄已已奏到庚午對宰臣言乃是十五日恐誤

十二月王宰進攻澤州

一品集十月二十三日狀緣王宰兵已深入須取澤州按此月三日宰始得天井關於十月之末豈能深入取澤州蓋十二月十三日狀二字誤在月下耳

劉楨請降於李石李德裕上言

一品集正月四日狀曰臣等得李石狀報劉稹潛有款誠云云又曰今饋運之費計至春末並足如二月已來尚未殄滅然議納降亦未爲晚又草詔賜石曰必不得因此遷延令其得計仍不得先受章表便與奏聞實錄上貶崔碣仍詔敢言罷兵者送賊境戮之德裕狀正月四日上然石發奏必在楊弁未亂前故置於此

四年正月德裕上言劉稹與諸將舉族面縛方可受納

一品集奏狀云如劉稹自來却令送入輒不得受按稹若自來豈有却送人之理恐是稹下脫不字

詔王元逵以步騎自土門入應接王逢軍

實錄詔側近行營量抽兵剪撲又詔王元逵以其五千扼土門張仲武把鴈門以爲聲援今從伐叛記

三月王逢敗康良佺

實錄王宰

宰原誤幸

奏賊將康良佺敗牽石會關移軍入三十里守

鼓腰嶺按石會關在潞州北與河東接宰時在澤州南何以得敗良佺蓋逢字誤爲宰耳

劉濛爲巡邊使

實錄以濛爲巡邊使在明年二月壬寅壬寅二十五日也按一品集會昌四年二月二十二日奏狀曰緣李同等稱黠戛斯使云今冬必欲就黑車子收回鶻可汗餘燼切望國家兵馬應接黠戛斯使回日已賜勅書許令幽州太原振武天德各於要路出兵邀截又曰仍令代北諸軍縱縱排比又曰其幽州兵馬至多不必先令排比待至冬初續降中使賜詔黠戛斯使來在四年二月德裕奏狀所謂今冬防秋冬初者皆四年事也不容至

五年二月始以濛

胡本濛下有爲字

巡邊使濛之奉使要在今年春夏

不知的何月日且附於

於原缺今補

此

六月減州縣佐官一千二百一十四員

獻替記曰減得二千二員新傳曰罷二千餘員舊柳仲郢傳曰

減一千二百員今從之

七月甲辰杜惇同平章事

新表惇入相在閏月壬戌今從實錄

八月德裕請以盧弘止爲三州畱後

舊紀傳皆作弘正實錄新紀傳皆作弘止今從之

十二月石雄爲河陽節度使

實錄九月盧鈞奏十七日石雄回軍赴孟州按雄於時未爲河

陽節度使實錄誤也

五年七月上都東都兩街各畱一寺每寺畱僧三十人節度等州各一寺三等畱僧

實錄中書門下奏請上都東都兩街各畱寺十所每寺畱僧十

人大藩鎮各一所僧亦

胡本亦作不

依前詔敕上都東都每街各畱

寺兩所每寺僧各畱三十人中書門下奏奉敕諸道所畱僧尼

數宜令更商量分爲三等上至二十人中至十人下至五人今

據天下諸道共五十處四十六道合配三等鎮州魏博淮南西

胡本西作四

川山南東道荆南嶺南汴宋幽州東州

胡本州作川

鄂岳浙

西浙東宣歙湖南江西河南府望每道許畱僧二十人山南西

道河東鄭滑陳許潞磁鄆曹徐泗鳳翔兗海淄青滄齊

胡本齊作景

易定福建同華州望令

胡本令作今

每道許畱十人夏桂邕管黔中

安南汝金商州容管望每道許畱五人一道河中已敕下畱十

三人按鎮州等

胡本無等字

凡五十六州四十一道今云五十處四

十六道誤也杜牧杭州南亭記曰武宗卽位始去其山臺野邑

四萬所冠其徒幾至十萬人後至會昌五年始命西京畱佛寺

四僧惟十人東京一

胡本東京一作都二

寺天下所謂節度觀察同華汝

三十四治所得畱一寺僧準西京數其他刺史州不得有寺凡

除寺四千六百僧尼并冠二十六萬五百寶錄注又云按唐時

石刻云兩都畱寺四

胡本無四字

僧各十人郡國畱寺二僧各三人

數皆不同今從實錄前文

八月毀招提蘭若四萬餘區

會要元和二年辭平奏請賜中條山蘭若額爲太和寺蓋官賜

額者爲寺私造者爲招提蘭若杜牧所謂山臺野邑是也

盧鈞還入上黨盡殺亂兵

獻替記上信任宰臣無不先訪問無獨斷之事唯誅討澤潞不

肯捨赴振武官健及誅翦党項此二事並禁中發語胡本語作詔處

分更不顧問振武官健同旗不肯進發先害監軍僉一人監軍

王惟直自出曉諭又被傷痕旬日而卒禁中兩軍樞密已下恨

其不殺節將唯害中人所以激上之怒盡須勦戮上問宰臣曰

我遣胡本遣作送石雄領兵至澤潞今盧鈞不誅討罪人如何德裕

奏胡本無奏字曰盧鈞已失律性又寬懷胡本懷作懷必恐自誅不得若

便替却盧鈞亂卒罪惡轉大須興兵討伐恐不如先除替令新

帥誅翦上謂德裕曰勿惜盧鈞本非材將救澤潞叛兵疑李丕

報嫌往往原誤注劉稹平後處置澤潞與劉稹同惡僅五千餘人皆

是取得高文端王釗狀通姓名勘李丕狀同然後處分其間有

三兩人或王釗狀無名並不更問足明是李丕不能逞其憾又

云惟務苟安因循爲政凡方鎮發兵只合不出軍城嚴兵自衛
於城門閤過部伍更令軍將慰安豈有自出送兵馬又令令原誤今
家口縱觀事同兒戲實不足惜緣大兵之後須有防虞臣不敢
隱默由是中詔處分不復顧問按盧鈞還入潞州諭戍諭胡本無諭
字兵使赴振武尋遣兵追擊盡殺之非上不肯捨也旣云不可
便替又云不如先除替語自相違上云勿惜盧鈞是上語下云
臣不敢隱默乃是德裕語獻替記至此差舛尤甚不可復據又
處置澤潞五千餘人太多必是五十字誤耳

六年上自正月乙卯不視朝

實錄作十五日按獻替記自正月十三日後至三月二十日更
不開延英時見中詔處分莫得預焉今從之

上不禮光王怡

韋昭度續皇王寶運錄曰宣宗卽憲皇第四子自憲皇崩便合
紹位乃與姪文宗文宗崩武皇慮有他謀乃密令中常侍四人
擒宣宗於永巷幽之數日沉於宮廁宦者仇公武慙之乃奏武
宗曰前者王子不宜久於宮廁誅之武宗曰唯唯仇公武取出
於車中以糞土雜物覆之將別路歸家密養之三年後武皇宮
車晏駕百官奉迎於玉宸殿立之尋擢仇公武爲軍容使尉遲
偓中朝故事曰敬宗文宗武宗相次卽位宣皇皆叔父也武宗
初登極深忌焉一日會鞠於禁苑閒武皇召上遙覩瞬目於中
官仇士良士良躍馬向前曰適有旨王可下馬士良命中官輿
出軍中奏云落馬已不救矣尋請爲僧游行江表閒會昌末中
人請還京遂卽位令狐澄貞陵遺事曰上在藩時嘗從駕迴而
上誤墮馬人不之覺比二更方能興時天大雪四顧悄無人聲

上寒甚會巡警者至大驚上曰我光王也不悟至此方困且渴若爲我求水警者卽於旁近得水以進遂委而去上良久起舉甌將飲顧甌中水盡爲芳醪矣上獨喜自負一舉盡甌已而體微暖有力遂步歸藩邸此二事皆鄙妄無稽今不取

三月辛酉立怡爲皇太叔

舊紀三月一日立爲皇太叔武宗實錄云壬戌宣宗實錄云辛酉按獻替記云自正月十三日後至三月二十日更不開延英蓋二十一日則宣宗見百寮也今從宣宗實錄

四月李德裕同平章事荆南節度使

實錄新表傳皆云德裕自守太尉檢校司徒爲荆南節度使按制辭皆無責降之語豈可遽自守太尉檢校司徒胡本脫此三十六字今從舊紀又貞陵遺事曰上初卽位於太極殿時宰相李德裕與